



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Præmonitio ad Lectorem.

urn:nbn:de:hbz:466:1-39937

Præmonitio ad Lectorem.



Præmonitio ad Lectorem.

NE Lectori hujus Operis id jure moveat bilem, quod præter *Errata Typographica*, ac *Orthographica* complura (facile tamen à quovis Legente vel modice erudito non tantum deprehendenda, sed etiam sine Recursu ad Erratorum Tabellas haud difficulter corrigenda) quædam insuper *alia* non modo *Grammaticæ*, ac *Orthographia Legibus*, sed ipsis adeò Rubricis, & Veritati re ipsa adversantia, tum propter Authoris à loco Impressionis absentiam, tum, quod seriùs ab eodem fuerint observata, quām ut absens Typographus de ijs adhuc in tempore emendandis moneri potuisset, in illud nonnullis in locis irrepererint, dum alicubi Vox una, aut altera *Omissa* (*uti infra** n. 1. notatur) alibi una aut altera importinens *superaddita*, vel *interposita* (*uti* * 2.) aut una alteri male *substituta* (*uti* * 3.) non semel etiam *Festi* aut *Officij Ritus* fuerit præpostere expressus, ponendo *Ritum semiduplicem* pro *simplici*, *vel* 1. *Classis* pro 2. *Classis*, aut *vicissim* (*uti* * 4.) ideo si talia sat ablona alicubi occurrent, aut aliquid aliud alicubi desiderari, aut perperam afferi videbitur.

(* 1.) P. I. folio 34, columnæ 1. linea 34. fol. 60. col. 1. lin. 5. f. 70. c. 2. l. 31. f. 118. c. 2. l. 9. f. 282. c. 2. l. 4. f. 314. c. 2. l. 32. Item P. II. fol. 53. c. 2. l. 14. f. 61. c. 2. l. 12. f. 62. c. 1. l. 14. f. 91. c. 2. l. 14. f. 106. c. 2. l. 32. arf 233. c. 1. l. 7. & 12. nemf. 241. c. 1. l. 35.

(* 2.) P. I. fol. 260. c. 1. l. 48. Item P. II. f. 28. c. 2. l. 11. f. 34. c. 1. l. 26. f. 228. c. 1. l. 24. f. 397. c. 1. l. 21.

(* 3.) P. I. fol. 164. c. 2. l. 19. f. 170. c. 2. l. 19. f. 275. c. 1. l. 18. f. 282. c. 1. l. 15. Item P. II. f. 17. c. 1. l. 32. & c. 2. l. 3. f. 40. c. 1. l. 4. f. 152. c. 2. l. 7. f. 223. c. 1. l. 5. f. 240. c. 1. l. 20. & c. 2. l. 6. & 7. f. 306. c. 1. l. 33. Item P. III. f. 151. c. 2. l. 4. & 18.

(* 4.) P. I. f. 135. c. 2. l. 4. f. 198. c. 2. l. 17. Item P. II. f. 393. c. 2. l. 33. f. 447. c. 2. l. 27.

Præmonitio ad Lectorem.

bitur, placeat Benevolo Lectori *Corrigendorum & Addendorum Tali bellas* (pro qualibet hujus Libri Parte in fine cuiuslibet earum extantes) inspicere, & ex ijs hæc quoque *Errata* pro sua humilitate non tantum corrigere, sed etiam benevolè Homo Homini condonare. Monitum quoque volo *Lectorem* Benevolum, non omnia *Sacrorum Rituum Congregationis Decreta* hinc inde in hoc Opere à me allegari, tanquam omnia & singula sint certò ac indubitanter authentica, sed eâ tantum fide illa à me in medium adduci, atque etiam ab alijs recipi velle, quâ illa ex Scriptoribus, qui sua cum facultate Superiorum in lucem ediderunt, excerpsti; tum quia non de omnibus authenticè constat, an extente ipso in *Registro aut Tabulario Decretorum Sacrorum Rituum Congregationis*, aut certè in omnibus, ac prout jacent, cum eo, ac suis Autographis seu Originalibus concordent; tum quia nec aliunde de omnium sufficiente Authentiâ certam obtinere haçtenus aut procurare mihi notitiam potui, uti hinc inde in ipso Operis contextu insinuo: unde sicubi vel ex toto, vel ex parte aliter res se habeat, quâm quô modô à S. R. C. prætenditur decisum, id quoque ego eatenus pro indeciso haberi volo, ac recipi, utpote omnia & singula sanctissimæ *Matris Ecclesiae*, Eiusque supremi in Terris *Hierarchæ seu Capitis*, nec non ipsius quoque *Sacror. Rituum Congregationis* non tantum *judicio*, sed etiam *correctioni* obliquestissime substernens, paratissimus emendare, mutare, aut etiam revocare, siquæ vel per ignorantiam, vel per inadvertentiam elucubrata, aut tradita à me sunt, quæ limâ indigent, aut liturâ.

Si quid etiam forsitan occurrat in eadem hac mea Lucubratione, quôd tangere videatur Apostolicum S. *Congregationis SS. Rituum & universalis Inquisitionis Decretum* Annô 1625. editum ac Annô 1634. confirmatum, juxta Declarationem ejusdem Decreti à Ss. D. N. *Urbano* Papa VIII. Anno 1631. factam, non aliô modô id quoque tradi, accipi, ac intelligi volo, quâm quô id in similibus tradi, accipi, ac intelligi debere præscribit, & requirit illud ipsum, quod venerabundus exoscitor, *Decretum*.